

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

11. Eutychij Episcopi precibus filius impetratus & prædictus.

urn:nbn:de:hbz:466:1-45686

Habet D.E.v.s & alias abortus permittendi caussas. A-
specto, in transitu, aliquando homine à natuitate cæco, Chri-
stum interrogauerunt discipuli eius: Rabbi, Quis peccauit, hic, aut
parentes eius, ut cecus nascetur? Respondit IESVS: Neque hic
peccauit, neque parentes eius; sed ut manifestentur opera Dei in illo.
Alia nempe est percusso, ait S. Gregorius, qua peccator percutitur,
ut sine retractatione puniatur; alia, qua peccator percutitur, ut cor-
rigatur; alia qua quisquam percutitur, non ut praterita corrigat,
sed ne ventura committat; alia per quam nec praterita culpa corri-
gitur, nec futura prohibetur; sed dum inopinata salus percuſionem
sequitur, salvantis virtus cognita ardenter ametur. Quantos vi-
dimus, qui, ad exemplum Abrahæ, aliorumque, post longissi-
mam hæreditis acquirendi expectationem, filios adepti, Deo
Divisque longè ampliores gratias retulerunt? Immo quām im-
penfissimè rogauerunt, ut, sublato impedimento, liberos adi-
piscerentur. Quem in finem etiam abortuos gigni sequens hi-
storia docet, Eutychij Constantinopolitani Episcopi virtutem
illustrans.

X.

Ioan. 9. 2.

S. Gregor. l.r.
Moral. c. 6.

Erat in urbe Amasea quidam Androgynus legitima uxore co-
pulatus: qui cūm filiis procreandis, operam darent, ita frustraban-
tur, ut infantes, ante, quam è ventre exirent, immaturi præterpen-
tur; ex quo parentes ipsi magno mærore afficiebantur. Quid igitur
faciunt? Veile consilium capiunt. Configiunt ad Deum, qui mor-
tuos etiam potest per seruos suos, in vitam renovare. Imitantur vi-
duam illam Sareptanam, cuius filium Elias suscitauit: Sunamiti-
dem imitantur, quæ cucurrit ad Eliseum, cūm filius eius in cœnacu-
lo mortuus jaceret. Configiunt & ipsi ad beatum virum (Euty-
chium) supplicant, ut precibus suis impetraret, ne infantes sibi in lucem
editi statim moriantur. Quæ cūm proillis precatus esset, ambos un-
xit oleo sancto, tum eo, quod è pretiosa cruce, tum illo quod ex sancta
pureq; Dei genitricis & perpetua Virginis Mariae nostræ domina ve-
neranda imagine scaturire solet Sozopoli, dicens: In nomine Domini
nostrri IESVS Christi. Hac enim verba cunctis egrotantibus, qui ad
se accedebant, solitus erat adhibere, quemadmodum & S. Iacobus
præcipit, sed non ut in Sacramento. Cum igitur precandi finem fe-
tisset, & tanquam gratia quadam afflatus taceret: mox, Nomen illi-

XI.

Cæf. Baron.
tom. 7. An-
no 564.

Q99 (inquit)

(inquit) Petrum imponetis, & viuet. Erat enim mulier granu. Cūm autem ego adessem & respondissem: At si feminam, inquiens pariet, ecquid illi nōmen imponent? Minime, inquit, sed Petrum vocabum, & saluus erit. Quibus verbis gaudentes, tanquam puerum nondum natum in vlnis gestarent, domini reveri sunt. Tempore jam impleto, peperit filium, quemadmodum ante viderat, & predixerat seruus Dei. Quem cūm baptizandum curassent parentes, & nominassent Petrum: postea unā cum ipso ad virum sanctum accedentes, complexi sunt pedes eius, & confecti sunt, quae sibi fecisset Deus, & quod sui misertus esset. Impositis autem puero manib[us], & sanctus benedixit ei. Sed cūm crevissent ille, qui ex præcognitione & præcibus genitus fuerat, alter natus est illis. Itaque venientes rursum, ambos filios ad sanctum virum attulerunt, laudantesq[ue] Deum roabant, quo nomine postremus deberet appellari. Qui geminos filios institutus, illud Salomonis venustè usurpauit: FRATER QUI CO-
IVVATVR A FRATRE, QVASI CIVITAS FIRMA. Parentibus autem illorum dixit: Ioannem hunc appellabitis: quoniam in ade-
sti Ioannis preces vestras Dominus Deus audiuit. Hac Enstathia, qui his omnibus præsens aderat. Apparet igitur, ex hac historia, Deum, per abortus, parentes excitare, ut piorum preces implorent, atque ita & illi invenientur, & isti illustrentur. Olei quoque sacri & reliquiarum virtus de cælo accepta hinc fit manifesta. Quin & illud ostenditur, Diuos, in quorum templis orationes funduntur, & ipsos suas orationes addere. Neque enim alia de cauſa S. Episcopus parentibus his dixit: Ioanne hunc appellabitis, quoniam in ade S: Ioannis preces vestras Dominus Deus audiuit. Monentur denique omnes, qui à Diuis beneficia accipiunt, vngui gratias reddant. Idcirco enim hunc puerum Euch-
chius voluit Ioannem appellari, ut quoties nominaretur, toties beneficij accepti admone-
retur.

CAPVT